

Na osnovu čl. 41. i 42. Pravilnika o uslovima, načinu i specifičnosti organizacije obavljanja linijskog prijevoza putnika u Kantonu Sarajevo Ministarstvo saobraćaja donosi:

PRIVREMENO UPUTSTVO
o načinu utvrđivanja i definisanja elemenata tarifnog sistema u KS

Član 1

Ovim uputstvom uređuje se tarifni sistem, područje njegove primjene, vrste karata, naplata, kategorije korisnika i uslovi korišćenja usluge prijevoza i prodaja voznih isprava u javnom linijskom prijevozu na području Kantona Sarajevo (u daljem tekstu: linijski prijevoz).

Član 2

Na području Kantona Sarajevo u okviru linijskog prijevoza, primenjuju se dva tarifna sistema:

- Integrirani tarifni sistem i
- relacijski tarifni sistem.

Integrirani tarifni sistemi na području Kantona Sarajevo podrazumjeva primjenu tarifnih načela i konstrukcija, na osnovu kojih putnik odgovarajućom kartom plaća istu cijenu za jednu vožnju na području određene tarifne zone nezavisno od vida prijevoza i prijevoznika.

Član 3

I ELEMENTI TARIFNOG SISTEMA

1. Mreža linija na području Kantona Sarajevo
2. Zone prijevoza
3. Vrsta i tipovi karata
4. Način prodaje karata
5. Korišćenje voznih karata
6. Korisnici karata
7. Forme tarifa
8. Subvencioniranje karata
9. Cijene kola kilometra za prijevoznike koji nemaju ili ne posjeduju potpunu prodaju i naplatu karata
10. Metodologija određivanja učešća prijevoznika u realizaciji prijevoza
11. Cijene voznih karata


Član 4

Mrežu linija na području Kantona Sarajevo sačinjavaju podgrupe linija javnog prijevoza grupisanih po tehničkim kriterijima.

Mrežom linija definiraju se linije prema:

- vrsti prijevoznog sredstva na: tramvajske linije, trolejbuske linije, autobuske linije, minibuske linije, linije kosog lifta i žičare;

Linije javnog prijevoza na području Kantona Sarajevo:



- a) Osnovne;
- b) Primarne;
- c) Sekundarne.

Osnovne prijevozne linije na području Kantona Sarajevo su linije koje se odvijaju tramvajima i trolejbusima (ekološke linije).

Primarne linije prijevoza na području Kantona Sarajevo su linije koje se održavaju autobusima i minibusima.

Sekundarne linije prijevoza su ostale vrste linija koje nisu definisane kao osnovne linije prijevoza i primarne linije prijevoza (žičara, kosi lift i sl.).

Član 5

Primarne linije prijevoza na području Kantona Sarajevo su:

- Linije koje obavlja KJKP "GRAS" d.o.o. Sarajevo;
- Linije koje obavlja Centrotrans Eurolines d.d. Sarajevo
- Linije koje obavlja drugi prijevoznik u skladu sa važećim registrovanim redom vožnje.

Član 6

Zone prijevoza

Prijevoz putnika na području Kantona Sarajevo odvija se u nekoliko tarifnih zona i može se obavljati u okviru zone i prelaskom iz jedne zone u drugu. Zonski prijevoz predstavlja osnovu za određivanje cijene karata prijevoza.

Prijevoz u okviru Kantona Sarajevo dijeli se u četiri zone:

Zona A

Zona B

Zona C

Zona D

U prelaznom periodu primjenjivat će se zonski sistem koji je već uspostavljen i definisan u KJKP "GRAS" d.o.o. Sarajevo.

Član 7

Vrste i tipovi karata

Vozne karte na području Kantona Sarajevo dijele se prema vrstama i tipovima na:

- a) Vrste karata:
 - jedinične karte;



- dnevne karte;
- desetodnevne karte;
- mjesečne karte;
- tromjesečne karte;
- šestomjesečne karte;
- godišnje karte.

b) Tipovi pretplatnih karata:

- radničke karte;
- đачke karte za osnovnu školu;
- đачke karte za srednju školu;
- studentske karte;
- penzionerske karte;
- ostale subvencionirane karte i druge karte.

U skladu sa tarifnim zonama sve vrste karata imaju utvrđene cijene prijevoza.

Član 8

Način prodaje karata:

Prodaja karata za sve vrste i tipove karata vršit će se u skladu sa definisanim linijama prijevoza.

- Prodaja karata za Osnovne prijevozne linije vršit će se na prodajnim mjestima KJKP GRAS d.o.o. Sarajevo, vozilima i prodajnim mjestima kojim prodaju karata povjeri prijevoznik.
- Prodaja karata za Primarne linije prijevoza (prijevoz obavlja KJKP GRAS d.o.o. Sarajevo) vršit će se na prodajnim mjestima KJKP GRAS d.o.o. Sarajevo, vozilima i prodajnim mjestima kojim prodaju karata povjeri prijevoznik.
- Prodaja karata za Primarne linije prijevoza (prijevoz obavlja Centrotrans-Eurolines d.d. Sarajevo) vršit će se na prodajnim mjestima Centrotrans-Eurolines d.d. Sarajevo, vozilima i prodajnim mjestima kojim prodaju karata povjeri prijevoznik.
- Prodaja karata za korisnike koji koriste više od dvije vrste prijevoza vršit će se na prodajnim mjestima prevoznika čija se primarna linija prva koristi. Prijevoznik ne može vršiti prodaju karata ako lokacija stanovanja korisnika ne gravitira registrovanim linijama prijevoznika.
- Prodaja karata za sekundarne linije vršit će se na prodajnim mjestima KJKP "GRAS" d.o.o. Sarajevo, vozilima i prodajnim mjestima kojim prodaju karata povjeri prijevoznik.



- Prodaju karata osim jediničnih karata, dnevnih i desetodnevni karata prijevoznici mogu prodavati korisnicima koji imaju lokaciju stanovanja koja gravitira registrovanim linijama prijevoznika.

Član 9

Korištenje vozni karata

Vozne karte će se koristiti u skladu sa zonama kojima pripadaju u svim prijevoznim sredstvima na području Kantona Sarajevo a u skladu sa vrstom linije za koju su izdate.

Uslovi korištenja vozni karata na osnovnim primarnim pravicima:

1. Korištenje jediničnih vozni karata na Primarnim linijama prijevoza koje se obavljaju autobusima moguće je samo ukoliko su iste kupljene na prodajnim mjestima prijevoznika koji obavlja prijevoz.
2. Godišnje karte, polugodišnje karte, tromjesečne karte i mjesečne karte kupljene za korištenje jedne ili više Primarnih linija prijevoza jednog prijevoznika, koje se obavljaju autobusima i minibusima moguće je samo ukoliko su iste kupljene na prodajnim mjestima prijevoznika koji obavlja prijevoz (penzionerske, đачke, studentske, radničke i dr.).
3. Godišnje karte, polugodišnje karte, tromjesečne karte i mjesečne karte kupljene za korištenje Primarnih linije prijevoza više prijevoznika i Osnovnih linija prijevoza mogu se koristiti u skladu sa pripadajućom zonom (penzionerske, đачke, studentske, radničke i dr.).
4. Sve godišnje, polugodišnje karte, tromjesečne karte i mjesečne karte koje su izdate prije donošenja ovoga uputstva važe na svim linijama u skladu sa prethodnim pravilima do njihovog isticanja. Broj korisnika navedenih karata na ovim pravicima bit će posebno evidentiran.
5. Karte prodate za korištenje jedne ili više Primarnih linija prijevoza jednog prijevoznika moraju biti vidno različiti od karata koje su definisane za ostale linije prijevoza.
6. Sve subvencionirane karte također moraju biti kupljene u skladu sa linijama prijevoza kojem pripadaju.
7. Dnevne karte i desetodnevne karata prodate od strane oba prijevoznika će biti posebno tretirane u raspodjeli, a putnici sa ovim kartama imaju pravo korištenja svih prijevoza u skladu sa zonom za koju su izdate.

Član 10

Korisnici karata

Korisnici karata su sva ona lica koja su definisana dosadašnjim aktima Kantona Sarajevo, KJKP GRAS d.o.o. Sarajevo i Centrotrans-Eurolines d.d. Sarajevo.



Član 11

Forme tarifa

Forme tarifa koje su utvrđene do donošenja ovoga uputstva od strane Kantona Sarajevo i KJKP GRAS-a važit će i dalje do donošenja novih formi, za sve prijevoznike koji obavljaju linijski prijevoz na mreži linija Kantona Sarajevo.

Član 12

Subvencioniranje karata

Prava koja obezbjeđuju subvencioniranje voznih karata, a na osnovu odluka i akata Kantona Sarajevo te Ugovora koji su potpisani od strane prijevoznika i dalje će se koristiti i primjenjivati prema ustaljenoj praksi i utvrđenim pravima a u skladu sa brojem prodatih karata.

Sve subvencionirane kategorije su u obavezi da kupovinu karata vrše u skladu sa odredbama ovoga uputstva tj. u skladu sa linijama na kojima koriste primarni prijevoz.

Član 13

Cijene kola kilometra za prijevoznike koji nemaju ili ne posjeduju potpunu prodaju i naplatu karata.

Prijevoznik koji nema ili ne posjeduje potpunu prodaju karata, a nadležni organ Kantona Sarajevo ga angažuje za održavanje određenog linijskog prijevoza, ima pravo na obezbjeđenje cijene po obavljenom kola kilometru isključivo za linije gradskog karaktera. Prijevoznik ima pravo da podnese zahtjev Kantonu Sarajevo za namirenje cijene kola kilometra uz dokaz o ne ostvarivanju cijene kola kilometra.

Pravo na namirenje navedene cijene nema prijevoznik čiji je osnivač Kanton Sarajevo.

Član 14

Metodologija određivanja učešća prijevoznika u realizaciji prijevoza:

Metodologija za određivanja učešća prijevoznika u realizaciji prijevoza se određuje na bazi slijedećih načela:

- Osnovne linije prijevoza u Kantonu Sarajevo;
- Medusobno učešće Primarnih linija prijevoza i ostalih linija prijevoza;
- Raspodjela prihoda Primarnih linija prijevoza i ostalih linija prijevoza;
- Način transferisanja prihoda.

Član 15

1) Osnovne linije prijevoza u Kantonu Sarajevo predstavljaju ekološki čiste linije. Navedeni prijevoz obavlja KJKP GRAS. Korisnici svih ostalih prijevoza sa kartama koje nisu



jediničnog karaktera a u skladu sa odredbama ovoga uputstva imaju pravo korištenja ekološki čistih linija Kantona Sarajevo.

2) Cijeneći broj putnika, dužinu trase i putnik kilometre koji se obavljaju Primarnim linijama prijevoza i na svim ostalim linijama izvest će se učešće ostalih linija prijevoza u Primarnim linijama prijevoza.

3) Raspodjela prihoda koji su ostvareni za sve vrste karata osim jediničnih karata na Primarnim linijama prijevoza vršit će se u skladu sa definisanim učešćem iz prethodnog stava.

Bliže odredbe o raspodjelu prihoda posebnim aktom utvrđivati će Ministarstvo saobraćaja Kantona Sarajevo.

Član 16

Prijevoznici će međusobne transfere novca vršiti u skladu sa dogovorom.

Član 17

Cijena voznih karata

Cijenu usluge prijevoza i rok važenja voznih isprava utvrđuje Vlada Kantona Sarajevo.

Član 18

Stupanjem na snagu ovog Privremenog uputstva prestaje da važi Privremeno uputstvo o načinu utvrđivanja i definisanja elemenata jedinstvenog tarifnog sistema u Kantonu Sarajevo 07.05. 2013 godine.

Član 19

Gramatička terminologija u ovoj odluci podrazumijeva uključivanje oba spola.

Član 20

Ovo Privremeno uputstvo o načinu utvrđivanja i definisanja elemenata jedinstvenog tarifnog sistema u Kantonu Sarajevo stupa na snagu danom donošenja.



Ministar saobraćaja Kantona Sarajevo



Broj: 04-14-3020/16

Sarajevo, 03.02.2016. godine